

孫氏周易集解

孫氏周易集解卷八

陽湖 孫星衍 淵如纂

繫辭上第八

釋文繫徐明謂反本系也又音係續也

辭本作辭伏字應作詞說也本亦作繫辭上王肅本皆作繫辭上傳訖於雜卦皆有傳字本亦有無上字者

集解馬融荀爽姚信等分白茅章後取負且乘更爲

別章成十三章疏 虞翻分爲十一章合大衍之數

并知變化之道共爲一章 周氏云天尊地卑爲第

一章聖人設卦觀象爲第二章彖者言乎象者爲第

三章精氣爲物爲第四章顯諸人藏諸用爲第五章
聖人有以見天下之賾爲第六章初六藉用白茅爲
第七章大衍之數爲第八章子曰知變化之道爲第
九章天一地二爲第十章是故易有太極爲第十一
章子曰書不盡言爲第十二章 何氏云上篇明无
故曰易有太極太極卽无也又云聖人以此洗心退
藏於物是其无也下篇明幾从无入有故云知幾其
神乎 先儒或以上篇論易之大理下篇論易之小
理并同

天尊地卑。乾坤定矣。

釋文卑如字又音婢本又作埤同

卑高已陳。貴賤

位矣。

〔集解〕鄭康成曰。君臣尊卑之貴賤如山澤之有高卑。

也。〔禮記疏〕

動靜有常。剛柔斷矣。

〔集解〕鄭康成曰。雷風也。陽動陰靜。剛柔之斷也。穀梁

疏。

方以類聚。物以羣分。

〔集解〕鄭康成曰。謂水火也。〔禮記疏〕

吉凶生矣在天成象

〔集解〕鄭康成曰日月星辰也〔禮記疏〕

在地成形

〔集解〕馬融曰植物動物也〔禮記疏〕鄭康成曰謂草木

鳥獸也〔御覽〕王肅曰山川羣物〔禮記疏〕王廙曰

謂山川等〔御覽〕

變化見矣

是故剛柔相摩八卦相盪

〔釋文〕摩本又作磨盪眾家作蕩王肅音唐黨反

〔集解〕京房曰相摩相磴切也〔釋文〕馬融曰摩切也

蕩除也 桓元曰盪動也并同

鼓之以雷霆潤之以風雨

釋文雷霆王肅呂忱音庭徐又徒鼎反又音定

集解京房曰霆者雷之餘氣挺生萬物也**釋文** 陸

績董遇曰鼓鼓動也 蜀才曰凝為電并同

日月運行一寒一暑

釋文運行姚作違行

乾道成男坤道成女

乾知大始

釋文大王肅作泰

坤作成物

釋文坤作虞姚作坤化

集解姚信云化當為作**釋文**

乾以易知坤以簡能

釋文易知以鼓反鄭荀董並音亦

集解姚信云能當爲從釋文

易則易知簡則易從易知則有親易從則有功有親則
可久有功則可大可久則賢人之德可大則賢人之業
易簡而天下之理得矣天下之理得而成位乎其中矣

釋文馬王肅作而
易成位乎其中

聖人設卦觀象繫辭焉而明吉凶

釋文虞本更有悔吝
二字按李鼎祚以聖

人設卦絕句觀
象繫辭焉絕句

剛柔相推而生變化

是故吉凶者失得之象也悔吝者憂虞之象也

變化者進退之象也剛柔者晝夜之象也

釋文虞作晝夜者剛柔之

象

六爻之動

集解虞翻曰陰陽失位則變得位則否故以陰居陽位陽居陰位則動林至德碑傳外篇

三極之道也

集解馬融曰三極三統也釋文鄭康成曰三才也

陸績曰極至也王肅曰陰陽剛柔仁義爲三極

并同

是故君子所居而安者易之序也

釋文易之序也虞本作象

集解京房曰序次也

釋文

陸績曰序象也同

所樂而玩者爻之辭也

釋文所樂虞本作所變玩鄭作散

集解馬融曰玩貪也

釋文

是故君子居則觀其象而玩其辭動則觀其變而玩其占是以自天祐之吉无不利

彖者言乎象者也爻者言乎變者也

吉凶者言乎其失得也悔吝者言乎其小疵也

釋文疵徐才斯

反

集解馬融曰疵癘也

釋文

无咎者善補過也

是故列貴賤者存乎位齊小大者存乎卦辨吉凶者存乎辭

〔集解〕京房曰辯明也〔釋文〕

虞翻董遇姚信顧懽蜀

才并云辯別也同

憂悔吝者存乎介

〔集解〕王肅干韓云介纖介也〔釋文〕

震无咎者存乎悔

〔集解〕馬融曰震驚也〔釋文〕

鄭康成曰震懼也王

肅曰震動也 周氏曰震救也并同 諸儒以爲五

者皆數列貴賤者存乎位是其一也齊小大者存乎

卦是其二也辯吉凶者存乎辭是其三也憂悔吝者

存乎介是其四也震无咎者存乎悔是其五也疏

是故卦有小大辭有險易辭也者各指其所之

易與天地準故能彌綸天地之道釋文彌本又作弥天

集解京房曰準等也彌遍綸知也釋文 荀爽曰彌

終也綸迹也 鄭康成曰準中也平也 王肅曰綸

纏裹也并同

仰以觀於天文俯以察於地理

釋文：仰於一，本作觀於。

是故知幽

明之故原始反終故知死生之說

釋文：反終，鄭虞作及終之說如字。宋衷始

反銳

〔集解〕宋衷曰說舍也釋文

精氣爲物遊魂爲變是故知鬼神之情狀與天地相似故不違

〔集解〕鄭康成曰遊魂謂之鬼物終所歸精氣謂之神物生所信也言木火之神生物東南金水之鬼終物西北二者之情其狀與春夏生物秋冬終物相似禮

記疏

知周乎萬物而道濟天下故不過

集解鄭康成曰道當爲導釋文

旁行而不流

釋文流京作酉

樂知天命故不憂

釋文樂天安土虞作變天

敦乎仁故能愛

範圍天地之化而不過

釋文範圍馬王肅張作犯違

集解費直曰壽星起軫七度大火起氏十一度析木

起尾九度星紀起斗十度元枴起女六度諏訾起危

十四度降婁起奎二度大梁起婁十度實沈起畢九

度鶉首起井十二度鶉火起柳五度鶉尾起張十三

度晉書天文志鄭康成曰範法也釋文張氏云

犯違猶裁成也同

曲成萬物而不遺通乎晝夜之道而知釋文而知如宗

音智故神无方而易无體

一陰一陽之謂道

繼之者善也成之者性也

仁者見之謂之仁知者見之謂之知百姓日用而不知

故君子之道鮮矣釋文鮮鄭作匙

子正月易集解卷ノ
一
〔集解〕馬融王肅云鮮少也〔釋文〕

鄭康成曰眇少也

〔師說〕云鮮盡也同

顯諸仁藏諸用

〔釋文〕藏鄭作煥

〔集解〕鄭康成曰臧善也〔釋文〕

鼓萬物而不與聖人同憂盛德大業至矣哉

富有之謂大業日新之謂盛德生生之謂易成象之謂

乾

〔釋文〕成象蜀才作盛象

效法之謂坤

〔釋文〕爻法胡孝反馬韓如字蜀才作效

〔集解〕馬融曰爻放也〔釋文〕

極數知來之謂占通變之謂事陰陽不測之謂神

夫易廣矣大矣以言乎遠則不禦以言乎邇則靜而正

釋文迹本又作邇音介

以言乎天地之間則備矣

夫乾其靜也專其動也直是以大生焉

釋文專陸作坤音同

夫坤

其靜也翕其動也闢是以廣生焉

廣大配天地變通配四時陰陽之義配日月易簡之善

配至德

子曰易其至矣乎夫易聖人之所以崇德而廣業也知

崇禮卑崇效天卑法地

釋文禮蜀才作體卑必彌反本亦作坤徐音婢下同

天地設位而易行乎其中矣成性存存道義之門

聖人有以見天下之賾而擬諸其形容釋文賾九家作冊京作嘖按說

交與京同

集解京房曰嘖精也釋文

象其物宜是故謂之象

聖人有以見天下之動而觀其會通以行其典禮繫辭

焉以斷其吉凶是故謂之爻釋文典禮京作等禮姚作典體

言天下之至賾而不可惡也釋文惡於嫁反荀作亞次也又烏路反馬鄭烏洛

反亞通言天下之至動而不可亂也釋文言天下之至動而不可亂也眾家本

並然鄭本作至嘖九家亦作冊按說文敘云知天下之至嘖而不可亂也與九家鄭本同

集解鄭康成曰賾當爲動釋文

擬之而後言議之而後動釋文議之陸姚桓元荀柔之作儀之擬議以成

其變化

鳴鶴在陰其子和之我有好爵吾與爾靡之釋文靡之本又作靡

亡池从徐又亡子曰君子居其室出其言善則千里之

外應之況其邇者乎居其室出其言不善則千里之外

違之況其邇者乎言出乎身加乎民行發乎邇見乎遠

言行君子之樞機樞機之發榮辱之主也

集解鄭康成曰樞戶樞也機弩牙也戶樞之發或明

或闔弩牙之發或中或否以譬言語之發有榮有辱

春秋疏 王虞曰樞戶樞也機弩牙也釋文

言行君子之所以動天地也可不慎乎

同人先號咷而後笑子曰君子之道或出或處或默或

語釋文默字或作默二人同心其利斷金釋文斷丁亂反王肅丁管反同心

之言其臭如蘭

初六藉用白茅无咎釋文或以此為別意今不用子曰苟錯諸地而

可矣釋文錯本亦作措藉之用茅何咎之有慎之至也夫茅之

為物薄而用可重也慎斯術也以待其无所失矣釋文慎時

震反鄭王同一
本作順師用義

集解鄭康成曰術道釋文

勞謙君子有終吉子曰勞而不伐有功而不德厚之至

也釋文不德鄭
陸蜀才作置

集解鄭康成曰置當爲德釋文

語以其功下人者也德言盛禮言恭謙也者致恭以存
其位者也

亢龍有悔子曰貴而无位高而无民賢人在下位而无
輔是以動而有悔也

不出戶庭无咎子曰亂之所生也則言語以為階釋文姚

作君不密則失臣臣不密則失身幾事不密則害成

集解鄭康成曰幾微也密靜也言不慎於微而以動

作則禍變必成公羊疏

是以君子慎密而不出也

子曰作易者其知盜乎釋文為易者本又云作易者易曰負且乘致

寇至釋文寇徐或作戎

集解宋衷曰戎誤釋文

負也者小人之事也乘也者君子之器也釋文乘如字讀繩證反

小人而乘君子之器盜思奪之矣上慢下暴盜思伐之矣慢藏誨盜冶容誨淫

釋文誨虞作悔治鄭虞陸姚王肅作野

〔集解〕鄭康成曰飾其容而見於外曰野後漢書注

王肅云作野音也〔釋文〕劉瓛曰治妖冶也謂傲雅

自得莊飾鮮明之兒也〔一切經音義〕

易曰負且乘致寇至盜之招也

大衍之數五十其用四十有九

〔集解〕京房曰五十者謂十日十二辰二十八宿也凡

五十其一不用者天之生氣將欲以虛來實故用四

十九焉疏

馬融曰易有太極北辰是也太極生兩

儀兩儀生日月日月生四時四時生五行五行生十二月十二月生二十四氣北辰居中不動其餘四十九轉運而用也荀爽曰卦各有六爻六八四十八加乾坤二用凡有五十乾初九潛龍勿用故用四十九也鄭康成曰天地之數五十有五以五行氣通凡五行減五大衍又減一故四十九也并同又曰衍演也釋文又曰天一生水於北地二生火於南天三生木於東地四生金於西天五生土於中陽无

耦陰无配未得相成地六成水於北與天一併天七
成火於南與地二并地八成木於東與天三并天九
成金於西與地四并地十成土於中與天五并大衍
之數五十有五五行各氣并氣并而減五惟有五十
以五十之數不可以爲七八九六卜筮之占以用之
更減其一故四十有九也禮記疏 姚信董遇曰天
地之數五十有五者其六以象六畫之數故減之而

用四十九疏 王虞蜀才曰演廣也釋文

分而爲二以象兩掛一以象三

釋文掛卦買反王肅音卦

集解張輅曰初揲掛一次兩揲不掛趙汝棊筮宗

揲之以四以象四時

釋文揲時設反一音思類反徐音息列反按唐石經揲作揲

集解鄭康成曰揲取也釋文

歸奇於扚以象閏

集解馬融曰扚指間也釋文

荀柔之曰扚別也同

張輅曰初揲先扚右手一著於左小指間以倣人

第二揲復於左手取一著扚於左手無名指間以象

閏趙汝棊筮宗

又曰揲左手不揲右手但以右手

之著足滿左手之餘初揲餘一餘二足滿五餘三餘

四足滿九次兩揲餘一餘二足滿四餘三餘四足滿

八爲九爲六者各八爲七爲八者各二十四同

五歲再閏故再扐而後掛

釋文後掛京作卦按說文同京氏

集解京房曰再扐而後布卦也釋文

天數五地數五五位相得而各有合

集解鄭康成曰天地之氣各有五五行之次一曰水

天數也二曰火地數也三曰木天數也四曰金地數

也五曰土天數也此五者陰无匹陽无耦故又合之

地六爲天一匹也天七爲地二耦也地八爲天三匹

也天九爲地四耦也地十爲天五匹也二五陰陽各

有合然後氣相得施化行也春秋疏

天數二十有五

按唐石經二十作廿

地數三十

按唐石經三十作卅

凡天地

之數五十有五此所以成變化而行鬼神也

集解張輅曰老陽變成少陰老陰變成少陽程迥古

占法

乾之策二百一十有六

釋文策字亦作筴

坤之策一百四十有

四凡三百有六十當期之曰

釋文期本又作蕃音基同

集解虞翻曰陽爻三十六陰爻二十四三爻一百二

十日三百者舉大概也漢上叢說

二篇之策萬有一千五百二十當萬物之數也按唐石經此二

十亦是故四營而成易十有八變而成卦

集解先儒云用蓍三扚而布一爻則十有八變爲六

爻也疏

八卦而小成

引而伸之觸類而長之釋文伸本又作信音身天下之能事畢矣

顯道神德行是故可與酬酢可與祐神矣釋文酬市由反徐又音時

酢京作醕祐荀作侑

集解馬融曰祐配也釋文

子曰知變化之道者其知神之所爲乎

易有聖人之道四焉

釋文聖人之道明

以言者尙其辭

釋文以言者下三句無以字一本四句皆有

以動者尙其變以制器者尙其

象

集解鄭康成曰此者存乎器象可得而用一切器物

及造立皆是周禮疏

以卜筮者尙其占

是故君子將有爲也將有行也問焉而以言其受命也

如嚮

釋文：嚮又作嚮，按唐石經作嚮，李氏本同。

无有遠近幽深遂知來物非

天下之至精其孰能與於此

參伍以變錯綜其數

集解王肅曰錯交也綜理事也文選注

通其變遂成天地之文

釋文：天地之文一本作天下一本作陸本作之文

極其數

遂定天下之象非天下之至變其孰能與於此

易无思也无爲也寂然不動感而遂通天下之故非天

下之至神其孰能與於此

夫易聖人之所以極深而研幾也

釋文：研蜀才作研幾本或作機

集解鄭康曰研喻思慮文選注

又曰機當作幾幾

微也釋文

唯深也故能通天下之志唯幾也故能成天下之務唯神也故不疾而速不行而至

子曰易有聖人之道四焉者此之謂也

天一地二天三地四天五地六天七地八天九地十

子曰夫易何爲者也

按李氏本作夫易何爲而作也

夫易開物成務

文釋

開王肅作闢音同

一本無夫易二字冒天下之道如斯而已者也是故聖

人以通天下之志以定天下之業以斷天下之疑

是故著之德圓而神卦之德方以知釋文圓本又作員音同

集解鄭康曰著形圓而可以立變化之數故謂之神

儀禮疏

六爻之義易以貢釋文易以或反韓音亦貢京陸虞作工荀作功聖人以此洗

心釋文洗劉瓛悉珍反盡也王肅韓悉禮反京荀虞董張蜀才作先石經同退藏於密吉凶

與民同患神以知來知以藏往釋文藏劉其孰能與於作藏善也

此哉古之聰明睿知神武而不殺者夫釋文殺馬鄭王肅所戒反師同

徐所例反陸韓如字按唐石經睿作銳

是以明於天之道而察於民之故是興神物以前民用

聖人以此齊戒以神明其德夫

釋文荀爽顧絕句眾皆以夫字爲下句一本無

字夫

是故閔戶謂之坤闔戶謂之乾

釋文闔婢亦反王肅甫亦反

一闔一

闔謂之變往來不窮謂之通見乃謂之象形乃謂之器

制而用之謂之法利用出入民咸用之謂之神

是故易有太極是生兩儀

集解馬融曰太極北辰也釋文

鄭康成曰極中之

道淳和未分之道也文選注

王肅曰此章首獨言

是故者總眾章之意釋文

又曰兩儀天地也文選

注

兩儀生四象四象生八卦八卦定吉凶吉凶生大業

是故法象莫大乎天地變通莫大乎四時縣象著明莫大乎日月崇高莫大乎富貴備物致用立成器以爲天

下利莫大乎聖人探賾索隱鈎深致遠以定天下之吉

凶成天下之亹亹者莫大乎蓍龜

釋文賾九家作册莫善乎蓍龜本亦作莫

大按說文絲作探賾與京氏同

集解劉向曰蓍之言耆龜之言久龜千歲而靈蓍百

年而神以其長久故能辨吉凶也禮記疏鄭康成

曰凡天下之善惡沒沒之眾事皆成定之言其廣大無不包也公羊疏

是故天生神物聖人則之天地變化聖人效之天垂象

見吉凶聖人象之河出圖洛出書聖人則之

釋文出加字又尺遂

辰下同洛王肅作雒漢家以火德王故從各佳

易有四象所以示也

集解鄭康成曰布六於北方以象水布八於東方以

象木布九於西方以象金布七於南方以象火漢上

叢說

諸儒有以四象爲七八九六疏

莊氏曰四

象謂六十四卦之中有實象有假象有義象有用象
爲四象也 何氏云四象謂天生神物聖人則之一
也天地變化聖人效之二也天垂象見吉凶聖人象
之三也河出圖洛出書聖人則之四也并同
繫辭焉所以告也定之以吉凶所以斷也

易曰自天祐之吉无不利子曰祐者助也天之所助者
順也人之所助者信也履信思乎順又以尙賢也

釋文又以

尙賢也鄭本作有以是以自天祐之吉无不利也

子曰盡不盡言言不盡意

釋文盡如字又律忍反

然則聖人之意

其不可見乎子曰聖人立象以盡意設卦以盡情備繫

辭焉以盡其言變而通之以盡利鼓之舞之以盡神

乾坤其易之緼邪

釋文緼紆粉反徐於憤反王肅又於問反

乾坤成列而易

立乎其中矣乾坤毀則無以見易易不可見則乾坤或

幾乎息矣

是故形而上者謂之道形而下者謂之器化而裁之謂

之變推而行之謂之通舉而錯之天下之民謂之事業

釋文錯本

又作措

是故夫象聖人有以見天下之賾

釋文之賾本亦作之至賾

而擬諸

其形容象其物宜是故謂之象聖人有以見天下之動
而觀其會通以行其典禮繫辭焉以斷其吉凶是故謂
之爻

極天下之賾者存乎卦鼓天下之動者存乎籥化而裁

之存乎變推而行之存乎通

釋文裁本又作勝

神而明之存乎

其人默而成之不言而信存乎德行

釋之默而成本或作默而成之

孫氏周易集解卷八

譚瑩玉生覆校

孫氏周易集解卷九

陽湖 孫星衍 淵如纂

繫辭下第九

〔集解〕劉瓛爲十二章 周氏莊氏并爲九章并疏

八卦成列象在其中矣因而重之爻在其中矣

剛柔相推變在其中矣繫辭焉而命之動在其中矣

繫音係命

孟作明

吉凶悔吝者生乎動者也

剛柔者立本者也變通者趣時者也

吉凶者貞勝者也

釋文貞勝姚本作貞稱

天地之道貞觀者也

釋文觀官喚反又音官

日月之道貞明者也

天下之動貞夫一者也

夫乾確然示人易矣

按說文作崔然

夫坤隤然示人簡矣

釋文隤孟

作遯陸董姚作安

集解馬融曰確剛貌隤柔貌

釋文

爻也者效此者也象也者像此者也

爻象動乎內吉凶見乎外功業見乎變聖人之情見乎

辭

天地之大德曰生。聖人之大寶曰位。釋文：孟作保。何以守位

曰仁。

釋文：曰人。王肅作伯。王桓元明僧紹作仁。

集解鄭康成曰：持一不惑曰守。詩疏

何以聚人曰財，理財正辭，禁民爲非曰義。

釋文：禁音金。又金鳩反。

古者庖犧氏之王天下也。

釋文：包本又作勵。孟京作僕。犧字又作義。孟京作戲。按

說文：庖引作處。義氏其說文。又引作庖。犧者後人改之。

集解孟喜京房曰：伏服也。戲化也。鄭康成曰：包取

也。鳥獸全具曰犧。并釋文。

仰則觀象於天，俯則觀法於地，觀鳥獸之文，與地之宜。

孫氏周易集解卷九

近取諸身遠取諸物於是始作八卦

集解鄭康成曰慮義作十言之教曰乾坤震巽坎離

艮兌消息無文字謂之易漢上叢說又曰作十言

之教以厚君民之別路史注

以通神明之德以類萬物之情

作結繩而爲網罟以佃以漁蓋取諸離

釋文爲罟黃本
作爲网罟佃本

亦作田漁音魚本
亦作魚又言庶反

集解馬融曰罟猶罔也取獸曰佃取魚曰漁釋文

姚信曰罟猶罔也黃穎曰取獸曰罔取魚曰罟并

同 諸儒以爲象卦制器皆取卦之爻象之體疏

庖犧氏沒神農氏作斲木爲耜揉木爲耒耨之利以

教天下蓋取諸益釋文爲耒力對反字林力佳反徐力假反本或作揉木爲之耒耨非

集解孟喜曰耨耘除草也釋文 京房曰耜耒下耜

也耒耜上句木也 馬融曰耨鉏也 陸績曰耜廣

五寸并同上

日中爲市致天下之民聚天下之貨交易而退各得其

所蓋取諸噬嗑

集解宋衷曰祝融爲市顓頊臣也釋文

神農氏沒黃帝堯舜氏作通其變使民不倦神而化之
使民宜之易窮則變變則通通則久是以自天祐之吉
无不利

釋文一本作易窮則變
通則久祐本亦作佑

集解衛元嵩曰夫尚質則人淳人淳則俗樸樸之失
其弊也蠢尚文則人和人和則俗順順之失其弊也
諂諂則變之以質蠢則變之以文亦猶寬以濟猛猛
以濟寬此聖人之用心也豈徒苟相反背而妄有述
作焉斯文質相化之理也李江元包經傳注

黃帝堯舜垂衣裳而天下治蓋取諸乾坤

〔集解〕鄭康成曰金天高陽高辛遵黃帝之道無所改
作故不述周禮疏 又曰始去羽毛公羊疏 又曰
其服皆元次上纁下土託位南方南方赤色黃而兼赤
故爲纁也禮記疏 又曰乾爲天其色元次坤爲地其
色黃同故元次以爲衣黃以爲裳象天在上地在下詩
疏

剡木爲舟剡木爲楫舟楫之利以濟不通致遠以利天
下蓋取諸渙釋文掄本又作劓口孤反徐又口溝反掄
本亦作剡掄本又作楫將輒反徐音集又
子入反致遠以利天下一本
無此句〔按〕說文亦作舟楫

服牛乘馬引重致遠以利天下蓋取諸隨釋文一本無以利天下一

何按說文引

作備牛乘馬

重門擊柝以待暴客釋文柝他洛反說文作櫟字林他各反同暴鄭作曉按說文一引作

櫟是又引作櫟後人附益也

集解馬融曰柝兩木相擊以行夜釋文

蓋取諸豫

集解鄭康成曰豫坤下震上九四體震又互體有艮

艮為門震日所出亦為門重門象艮又為手巽爻也

應在四皆木也手持二木也手持二木以相敲是為

擊柝擊柝爲守備警戒也四又互體爲坎坎爲盜五
離爻爲甲冑戈兵盜爲持兵是賊客也又以其卦爲
豫有守備則不可自佚周禮疏

斷木爲杵掘地爲臼臼杵之利萬民以濟蓋取諸小過

釋文斷丁緩反又徒緩反掘其月反又其勿反

弦木爲弧剡木爲矢弧矢之利以威天下蓋取諸睽

剡以冉反字林因冉反睽若圭反又音圭

上古穴居而野處後世聖人易之以宮室上棟下宇以
待風雨蓋取諸大壯

古之葬者厚衣之以薪葬之中野不封不樹喪期無數

後世聖人易之以棺槨蓋取諸大過

按唐石經
槨作梓

集解鄭康成曰大過者巽下兌上之卦初六在巽體巽爲木上六位在巳巳當巽位巽又爲木二木在外以夾四陽四陽互體爲二乾乾爲君爲父二木夾君父棺槨之象**禮記疏**甘容曰諸侯在千里內皆奔喪千里外不奔喪若同姓千里外猶奔喪親親也同上古結繩而治後世聖人易之以書契百官以治萬民以察蓋取諸夬

〔集解〕鄭康成曰結繩者事太太結其繩事小小結其

繩疏

又曰以書書木邊言其事刻其木謂之書契

〔書釋文〕

書之於木刻其側爲契各持其一後以相

考合書疏

是故易者象也象也者像也

〔釋文〕象也者像也象本並云像擬也孟京虞董姚還

作象

象者材也

爻也者效天下之動者也

是故吉凶生而悔吝著也

陽卦多陰。陰卦多陽。其故何也。陽卦奇。陰卦耦。

其德行何也。陽一君而二民。君子之道也。陰二君而一民。小人之道也。

集解鄭康成曰。一君二民。謂黃帝堯舜地方萬里爲方千里者百。中國之民居七千里。七七四十九方千里者四十九。四裔之民居千里者五十一。是中國四裔二民其事。一君二君一民。謂三代之末。以地方五千里。一君有五千里之土。五五二十五。更足以一君二十五始滿千里之方。五十乃當堯舜一民之地。故

云二君一民禮記疏

易曰憧憧往來朋從爾思

釋文憧憧本又作憧昌容反

子曰天下何

思何慮天下同歸而殊塗一致而百慮天下何思何慮

日往則月來月往則日來日月相推而明生焉寒往則

暑來暑往則寒來寒暑相推而歲成焉往者屈也來者

信也

釋文信本又作伸同音申韋昭漢書音義云古伸字

屈信相感而利生焉

尺蠖之屈以求信也

釋文蠖紆縛反又烏郭反

龍蛇之蟄以存身也

釋文蛇本又作蛇同全身本亦作存身

精義人神以致用也利用安身以

崇德也

通此以往未之或知也窮神知化德之盛也

易曰困于石據于蒺藜入于其宮不見其妻凶子曰非
所困而困焉名必辱非所據而據焉身必危既辱且危
死期將至妻其可得見邪

釋文死其
亦作期

易曰公用射隼于高墉之上獲之无不利子曰隼者禽
也弓矢者器也射之者人也君子藏器於身待時而動
何不利之有動而不括是以出而有獲語成器而動者
也

子曰小人不恥不仁不畏不義不見利不勸不威不懲

小懲而大誡此小人之福也易曰履校滅趾无咎此之

謂也釋文止本亦作趾

善不積不足以成名惡不積不足以滅身小人以小善

為无益而弗為也以小惡為無傷而弗去也故惡積而

不可掩按唐石經掩作揜罪大而不可解易曰何校滅耳凶釋文

何河可反又音涿

子曰危者安其位者也亡者保其存者也亂者有其治

者也是故君子安而不忘危存而不忘亡治而不忘亂

是以身安而國家可保也易曰其亡其亡繫于苞桑

子曰德薄而位尊知小而謀太力小而任重鮮不及矣

釋文匙本亦作鮮

易曰鼎折足覆公餗其形渥凶言不勝其任

也釋文餗馬作粥

子曰知幾其神乎君子上交不諂下交不瀆其知幾乎

幾者動之微吉之先見者也

按孔疏云諸本吉下或有凶字定本无

君子

見幾而作不俟終日易曰介于石不終日貞吉介如石

焉寧用終日斷可識矣

釋文介徐音戒眾家作介徐云王虞古點反

君子知

微知彰知柔知剛

集解鄭康成曰知微謂幽昧知章謂明顯也文選注

萬夫之望

子曰顏氏之子其殆庶幾乎有不善未嘗不知知之未

嘗復行也易曰不遠復无祇悔元吉

釋文祇韓音祁支反王廣輔嗣音支

天地絪縕萬物化醇

釋文細本又作醞縕本又作醞

男女構

精萬物化生

集解鄭成曰觀合也男女以陰陽合其精氣詩疏

易曰三人行則損一人一人行則得其友言致一也

子曰君子安其身而後動易其心而後語定其交而後

求君子脩此三者故全也危以動則民不與也懼以語

則民不應也。无交而求則民不與也。莫之與則傷之者至矣。易曰：莫益之，或擊之，立心勿恒，凶。

子曰：乾其易之門邪？

釋文：其易之門，邪。本又作門戶邪。

乾陽物也，坤陰

物也。陰陽合德而剛柔有體，以體天地之撰。

釋文：撰，仕勉反。王肅

士脊反。以通神明之德。

其稱名也雜而不越。

按說：如作於稽其類其衰世之意，雜而不逃。

邪？夫易彰往而察來而微顯闡幽開而當名，辯物正言。

斷辭則備矣。

釋文：辯如字。徐扶勉反。

其稱名也小，其取類也大，其旨遠，其辭文。

釋文：文如字。一音際。其

言曲而中其事肆而隱因貳以濟民行以明失得之報

集解鄭康成曰貳當爲弌釋文

易之興也其於中古乎作易者其有憂患乎

是故履德之基也謙德之柄也復德之本也恒德之固

也損德之修也

釋文修馬作循

集解鄭康成曰修治也釋文

益德之裕也困德之辯也

釋文辯如字王肅卜免反

井德之地也巽

德之制也

履和而至謙尊而光復小而辯於物恒雜而不廝損先

難而後易。益長裕而不說。

集解鄭康成曰。設大也。周禮攷工曰。中其莖。設其後。

周禮疏

困窮而通。井居其所而遷。巽稱而隱。

釋文稱尺證反。又尺升反。

履以和行。謙以制禮。復以自知。恒以一德。損以遠害。益

以興利。困以寡怨。井以辯義。巽以行權。

易之爲書也。不可遠。

釋文遠馬王肅韓袁万反。師讀如字。

爲道也。屢遷變。

動不居。周流六虛。上下无常。剛柔相易。不可爲典。要唯

變所適。

其出入以度外內使知懼

又明於憂患與故无有師保如臨父母

初率其辭而揆其方

集解馬融曰方道也釋文

既有典常苟非其人道不虛行

易之爲書也原始要終以爲質也六爻相雜唯其時物也

其初難知其上易知本末也初辭擬之卒成之終

若夫雜物撰德辯是與非則非其中爻不備

釋文撰鄭作筭

〔集解〕鄭康成曰算數也釋文

噫亦要存亡吉凶則居可知矣

〔釋文〕噫於其反王肅於力反辭也要一妙反絕

句又一遙反則句至吉凶居馬如字處也師音同鄭王肅音恭

〔集解〕馬融曰噫辭也釋文

知者觀其彖辭則思過半矣

〔集解〕馬融曰彖辭卦辭也鄭康成曰爻辭也周

氏同王肅曰彖舉象之要也并釋文師說通謂

卦爻之辭也一云卽夫子彖辭同

二與四同功而異位其善不同二多譽四多懼近也柔

之爲道不利遠者其要无咎其用柔中也

三與五同功而異位三多以五多功貴賤之等也其柔

危其剛勝邪

釋文勝升證反一音升

易之爲書也廣大悉備有天道焉有人道焉有地道焉

兼三才而兩之故六六者非他也三才之道也

按唐石經三才

字原作本改爲林

道有變動故曰爻爻有等故曰物物相雜故曰文文不

當故吉凶生焉

易之興也其當殷之末世周之盛德邪當文王與紂之

事邪

集解鄭康成曰據此言以易文王所作斷可知矣春

秋疏

是故其辭危

集解周氏曰謂當紂時不敢指斥紂惡故其辭微危而不正也疏

危者使平易者使傾其道甚大百物不廢懼以終始其要无咎此之謂易之道也

夫乾天下之至健也德行恒易以知險夫坤天下之至

順也德行恒簡以知阻

能說諸心能研諸侯之慮定天下之吉凶成天下之亹亹者

集解鄭康成曰亹亹沒沒也 王肅曰亹亹勉也并

釋文

是故變化云爲吉事有祥象事知器占事知來天地設位聖人成能人謀鬼謀百姓與能

集解鄭康成曰鬼謀謂謀卜筮於廟門是也儀禮疏八卦以象告爻象以情言剛柔雜居而吉凶可見矣

變動以利言吉凶以情遷是故愛惡相攻而吉凶生

文釋

惡鳥路反遠近相取而悔吝生情偽相感而利害生凡

易之情近而不相得則凶或害之悔且吝

將叛者其辭慙中心疑者其辭枝吉人之辭寡躁人之

辭多誣善之人其辭游失其守者其辭屈

孫氏周易集解卷九

譚瑩玉生覆校

孫氏周易集解卷十

陽湖 孫星衍 淵如纂

說卦第十

集解先儒以孔子十翼之次乾坤文言在二繫之後
說卦之前以彖象附上下二經爲六卷則上繫第七
下繫第八文言第九說卦第十疏

昔者聖人之作易也

集解鄭康成曰易者陰陽之象天地之所變化政教
之所生自人皇初起路史注 又曰謂伏羲文王也

書疏

幽贊於神明而生蓍

釋文贊本或作讚

參天兩地而倚數

釋文參七兩反又如字音三天或作夫者非倚於綺反王肅其綺反蜀才

作奇通暖說文作參天兩地

〔集解〕馬融王肅曰五位相合以陰從陽天得三合謂

一三與五也地得兩合謂二與四也〔疏〕

馬融又曰

倚依也〔釋文〕

鄭康成曰天地之數備於十乃三之

以天兩之以地而倚託大衍之數五十也必三之以

天兩之以地者天三覆地二載欲極於數庶得吉凶

之審也疏

王肅曰倚立也釋文

張氏曰以三中

含兩有一以包兩之義明天有包地之德陽有包陰之道故天舉其多地言其少也疏

觀變於陰陽而立卦

釋文觀變一作觀變化

發揮於剛柔而生爻

集解鄭康成曰揮揚也

王虞曰揮散也并釋文

和順於道而理於義窮理盡性以至於命

集解鄭康成曰言窮其義盡人之情性以至於命吉

凶所定爻選注

昔者聖人之作易也將以順性命之理是以立天之道

子曰陰與陽立地之道曰柔與剛立人之道曰仁與義兼三才而兩之故易六畫而成卦

集解鄭康成曰三才天地人之道六畫畫六爻儀禮疏

分陰分陽迭用柔剛故易六位而成章釋文六位而成章本又作六畫

集解王弼曰初上无陰陽定位疏

天地定位山澤通氣雷風相薄

集解馬融鄭康成顧懽云薄入也陸績曰相薄相

附薄也釋文

水火不相射

釋文射食亦反虞陸董姚王肅音亦

集解陸績董遇姚信并云射厭也釋文

八卦相錯

數往者順

釋文數色具反又色主反

知來者逆是故易逆數也

雷以動之風以散之雨以潤之日以烜之

釋文烜況晚反本又作晒

徐古彌反又一音喬元反

集解京房曰暵乾也釋文

艮以止之兌以說之乾以君之坤以藏之

集解王肅曰互相備也疏

帝出乎震齊乎巽相見乎離致役乎坤說言乎兌戰乎乾勞乎坎成言乎艮

萬物出乎震震東方也

集解鄭康成曰雷發聲以生之也漢上易

齊乎巽巽東南也齊也者言萬物之絜齊也

集解鄭康成曰風搖動以齊之也絜猶新也漢上易

離也者明也萬物皆相見南方之卦也

集解鄭康成曰日照之使光大漢上易

聖人南面而聽天下嚮明而治蓋取諸此也坤也者地

也萬物皆致養焉故曰致役乎坤

集解鄭康成曰地氣含養使有秀實也漢上易又

曰坤不言方者所言地之養物不專也疏

兌正秋也萬物之所說也故曰說言乎兌

集解鄭康成曰草木皆老猶以澤氣說成之漢上易
戰乎乾乾西北之卦也言陰陽相薄也

集解鄭康成曰戰言陰陽相薄西北陰也而乾以純
陽臨之猶君臣對合也漢上易

坎者水也正北方之卦也勞卦也萬物之所歸也故曰

勞乎坎

〔集解〕鄭康成曰坎勞卦也水性勞而不倦萬物之所歸也漢上易

艮東北之卦也萬物之所成終而所成始也故曰成言乎艮

〔集解〕鄭康成曰萬物自春出生於地冬氣閉藏還皆入地萬物之所成終而所成始言萬物陰氣終陽氣始皆艮之用事也漢上易
神也者妙萬物而爲言者也

集解鄭康成曰共成萬物不可得而分故合謂之神

漢上易 董遇曰眇成也釋文

動萬物者莫疾乎雷撓萬物者莫疾乎風釋文撓徐乃

教反呼燥萬物者莫煖乎火釋文煖王肅呼世反徐本

云燥萬物者莫暝于離

集解王肅曰燥火氣也釋文 徐氏曰暝熱暝也同

說萬物者莫說乎澤潤萬物者莫潤乎水終萬物始萬

物者莫盛乎艮釋文盛是政

集解鄭康成曰盛裏也釋文

故水火相逮

釋文水火不相逮音代一音大計反鄭宋陸王肅王廙無不字

雷風不相

悖山澤通氣然後能變化既成萬物也

乾健也坤順也震動也巽入也坎陷也離麗也艮止也

兌說也

乾爲馬坤爲牛震爲龍巽爲雞坎爲豕

釋文豕京作豨

離爲雉

艮爲狗兌爲羊

集解鄭康成曰其畜好剛鹵周禮疏

王虞曰羊者

順之畜故爲羊也疏

乾爲首坤爲腹震爲足巽爲股坎爲耳離爲目艮爲手

兌爲口

〔集解〕鄭康成曰上開似口漢上易
乾天也故稱乎父坤地也故稱乎母

〔集解〕陸績曰稱乎母取含養也御覽

震一索而得男故謂之長男巽一索而得女故謂之長
女坎再索而得男故謂之中男離再索而得女故謂之
中女艮三索而得男故謂之少男兌三索而得女故謂
之少女

〔集解〕馬融曰索數也釋文

王肅曰索求也同又

曰以乾坤爲父母而求其子也得父氣者爲男得母氣者爲女疏

乾爲天

集解鄭康成曰天清明无形漢上易

爲圉爲君爲父爲玉爲金爲寒爲冰爲大赤爲良馬爲

老馬爲瘠馬

釋文瘠京荀作柴

集解京房荀爽曰多筋幹也釋文鄭康成曰凡骨

爲陽肉爲陰漢上易王虞曰健之甚者爲多骨也

釋文

爲駁馬

集解王廙曰駁馬能食虎豹取其至健也疏

爲木果

坤爲地爲母爲布爲釜爲吝嗇釋文吝作嗇爲均爲子母牛

爲大輿爲文爲罍爲柄其於地也爲鼎

震爲雷爲龍釋文龍庚干作駝按李氏本同

集解鄭康成曰龍讀爲虯取日出時色雜也漢上易

干寶曰駝雜色釋文

爲元黃爲專釋文專王肅音孚木又作專如字虞同鄭市戀反

〔集解〕姚信曰專一也〔釋文〕

干寶曰花之通名鋪爲

花貌謂之敷同

爲大塗

〔集解〕鄭康成曰國中三道曰塗震上值房心塗而大者取房有三塗焉漢上易王虞曰大塗萬物所出

御覽

爲長子爲決爆爲蒼簋竹

〔釋文〕實或作琅通

爲萑葦

〔按唐石經作萑葦〕

〔集解〕鄭康成曰萑葦竹類漢上易

其於馬也爲善鳴爲馵足爲作足

〔釋文〕馵京作朱荀同陽在下按唐石經馵

作爲的類釋文的說文作駟按今說文一引作駟是又一引作的者後人附益也其於稼

也爲反生釋文反虞作阪

集解鄭康成曰生而反出也漢上易 虞翻曰阪陵

阪也釋文 陸績曰阪當爲反同

其究爲健爲蕃鮮

巽爲木爲風爲長女爲繩直爲工爲白爲長爲高爲進

退爲不男爲臭釋文爲臭王肅作爲香臭其於人也爲寡髮釋文寡本又作

集解鄭康成曰宣髮取四月靡草死髮在人體猶靡

草在地周禮疏

為廣顙

釋文廣顙作顙

為多白眼為近利市三倍其究為躁卦

坎為水為溝瀆為隱伏為矯輳

釋文矯輳一本作輳同輳如九反王肅奴又反又

女九反又如又反馬鄭陸王肅本作此宋衷王廙作操京作柔荀作撓

集解宋衷曰使曲者直直者曲為操釋文

為弓輪

釋文輪姚作倫

其於人也為加憂為心病為耳痛為血

卦為赤其於馬也為美脊為亟心

釋文亟紀力反王肅去記反荀作極

集解荀爽曰極中也釋文

為下晉為薄蹄為曳其於輿也為多眚

集解王虞曰青病也釋文

為通為月

集解鄭康成曰臣象也文選注

為盜其於木也為堅多心

離為火為日為電為中女為甲冑為戈兵其於人也為

大腹為乾卦釋文乾
董作幹

集解鄭康成曰乾當為幹陽在外能幹正也釋文

為蟹為蟹為麤為蚌為龜釋文蟹本又作鼈同
蟬本又作蚌同

集解鄭康成曰皆骨在外周禮疏

其於木也為科上稿釋文科虞作拆稿鄭作藁干作稿

集解鄭康成曰科上者陰在內為疾漢上易

艮為山為徑路

集解鄭康成曰田閒之道曰徑路艮為之者取山間

免鹿之蹊初學記王虞曰物始故為徑路御覽

為小石為門闕為果蔬釋文果蔬京本作果墜之字

集解馬融曰果桃李之屬瓠瓜瓠之屬釋文

為闍寺釋文寺如宗徐音休亦作闍字為指按晁氏云鄭本作為小指為狗按李氏本作為

為鼠為黔喙之屬釋文黔其廉反徐音禽王肅其嚴反鄭作黠喙汎廢反徐丁造反

集解鄭康成曰謂虎豹之屬貪旨之歟取其為山獸

漢上易

其於木也為堅多節釋文為堅多節一本無堅字

兌為澤為少女為巫為日舌為毀折為附決釋文決如字徐音穴

其於地也為剛幽為妾為羊釋文虞作羔此六子依求索而為次第也本亦有以

三男居前三女後從荀爽九家集解本乾後更有四為龍為直為衣為言後有八為牝為迷為方為雲為裳為莖為居為漿震後有三為王為鳴為鼓巽後有二為揚為鶴坎後有八為宮為律為可為棟為叢轉為得為疾藜為桎梏離後有一為牝牛艮後有三為鼻為處為狐兌後有二為常為輔頰不同故記之於此按李氏本與虞翻同

集解鄭康成曰羊女使周易玩辭 又曰此陽謂爲
養无家女行賃炊爨今時有之賤於妾也漢上易
九家易曰常西方神也釋文

序卦第十一

集解周氏曰序卦第一天道門第二人事門第三相
因門第四相反門第五相須門第六相病門如乾之
次坤泰之與否等第是天道運數門也如訟必有師
師必有比等是人事門也如因小畜生履困利故通
等是相因門也如遯極反壯動竟歸止等是相反門

也如大有須謙蒙稚待養等是相須門也如賁盡致剝進極致傷等是相病門也疏

有天地然後萬物生焉盈天地之間者唯萬物故受之以屯屯者盈也屯者物之始生也

集解王肅曰屯剛柔始交而難生故爲物始生也疏
盧氏曰物之使生故屯難同

物生必蒙故受之以蒙蒙者蒙也物之穉也

釋文穉本或作稚

物穉不可不養也故受之以需需者飲食之道也飲食必有訟故受之以訟

集解僧一行曰孟喜序卦曰陰陽養萬物必訟而成之君臣養萬民亦訟而成之程迥古占法

訟必有衆起故受之以師師者衆也衆必有所比故受

之以比比者比也比必有所畜故受之以小畜釋文畜本又作

蓄一及物畜然後有禮故受之以履履而泰然後安故

受之以泰泰者通也按晁氏云鄭本履然後安故受之以泰物不可以終

通故受之以否物不可以終否故受之以同人與人同

者物必歸焉故受之以大有有大者不可以盈故受之

以謙按晁氏云鄭本有大有不可以盈有大而能謙必豫故受之以豫

豫必有隨故受之以隨

〔集解〕鄭康成曰喜樂而出人則隨從孟子曰吾君不
休吾何以休吾君不豫吾何以助此之謂也〔疏〕王
肅曰歡豫人必有隨同

以喜隨人者必有事故受之以蠱蠱者事也有事然後
可太故受之以臨臨者大也物大然後可觀故受之以
觀可觀而後有所合故受之以噬嗑嗑者合也

〔集解〕鄭康成曰易乾繫度曰陽起於子陰起於午天
數大分以陽出離以陰入坎坎爲中男離爲中女太

乙之行出從中男入從中女因陰陽男女之偶爲終始也王氏

物不可以苟合而已故受之以賁賁者飾也致飾然後

亨則盡矣故受之以剝剝者剝也

釋文亨許庚反剝許兩反徐音傾同物

不可以終盡剝窮上反下故受之以復復則不妄矣故

受之以无妄有无妄然後可畜故受之以大畜

按晁氏云鄭本

作有无妄物然後可畜

物畜然後可養故受之以頤頤者養也不

養則不可動故受之以大過

集解鄭康成曰以養賢者宜過於厚疏

王肅曰過

莫大於不義 周氏曰過過失也同

物不可以終過故受之以坎坎者陷也陷必有所麗故受之以離離者麗也

有天地然後有萬物有萬物然後有男女有男女然後有夫婦有夫婦然後有父子有父子然後有君臣有君

臣然後有上下有上下然後禮義有所錯

釋文錯七各反徐七路反

夫婦之道不可以不久也故受之以恆恆者久也物不

可以久居其所故受之以遯遯者退也

按晁氏云鄭本物不可終久於

其物不可以終遯故受之以大壯物不可以終壯故受

之以晉晉者進也進必有所傷故受之以明夷夷者傷

也傷於外者必反其家故受之以家人按李氏本作反於家家道

窮必乖故受之以睽睽者乖也乖必有難故受之以蹇

蹇者難也物不可以終難故受之以解解者緩也緩必

有所失故受之以損損而不已必益故受之以益益而

不已必決故受之以夬夬者決也決必有遇故受之以

姤姤者遇也按唐石經亦作決必物相遇而後聚故受

之以萃萃者聚也聚而上者謂之升故受之以升升而

不已必困故受之以困困乎上者必反下故受之以井

井道不可不革。故受之以革。革物者莫若鼎。故受之以鼎。主器者莫若長子。故受之以震。震者動也。

集解鄭康成曰。謂父退居田里不能備祭宗廟。長子當親視滌濯鼎俎。禮記疏。

物不可以終動。止之。故受之以艮。艮者止也。物不可以終止。故受之以漸。漸者進也。進必有所歸。故受之以歸妹。得其所歸者必大。故受之以豐。豐者大也。窮大者必失其居。故受之以旅。旅而无所容。故受之以巽。巽者入也。入而後說之。故受之以兌。兌者說也。說而後散之。故

受之以渙。渙者離也。物不可以終離。故受之以節。節而信之。故受之以中孚。有其信者必行之。故受之以小過。有過物者必濟。故受之以既濟。物不可窮也。故受之以未濟。終焉。

雜卦第十二

集解虞翻曰。雜卦者。雜六十四卦以爲義。其於序卦之外別言也。

乾剛坤柔。比樂師憂。

臨觀之義。或與或求。

屯見而不失其居蒙雜而著

釋文見賢遍
反鄭如字

震起也艮止也損益盛衰之始也

按晁氏云鄭本損
益衰盛之始也

大畜時也无妄災也

萃聚而升不來也謙輕而豫怠也

釋文怠如字姚同
京作治虞作怡

噬嗑食也賁无色也兌見而巽伏也

按晁氏云鄭本
兌見作兌說

隨无故也蠱則飭也

釋文飭鄭本王肅作
飾按唐石經亦作飾

剝爛也復反也

晉晝也明夷誅也

井通而困相遇也

咸速也恒久也

渙離也節止也解緩也蹇難也睽外也家人內也否泰反其類也

大壯則止遯則退也

大有衆也同人親也釋文衆荀作終革去故也鼎取新也小過

過也中孚信也豐多故也親寡旅也釋文豐多故衆家以此絕句荀本豐

多故親絕句寡旅也別爲句

離上而坎下也

小畜寡也履不處也

需不進也訟不親也大過顛也

集解鄭康成曰自此以下卦音不協以錯亂失正弗敢改耳晁氏

姤遇也柔遇剛也

按唐石經姤作遘

漸女歸待男行也頤養正

也既濟定也歸妹女之終也未濟男之窮也夬決也剛決柔也君子道長小人道憂也

按晁氏云鄭本作小人道消也

孫氏周易集解卷十

譚瑩玉生覆校

右孫氏周易集解十卷 國朝孫星衍撰按先生字淵
如號季述陽湖人乾隆五十二年 賜進士第二人改
刑部主事官至山東督糧道事迹著撰及所刊定各書
具見阮文達學經室集所撰神道碑畢秋帆吳會英才
集稱其才思敏捷下筆千言既壯折節讀書習篆籀古
文聲音訓故之學王蘭泉蒲褐山房詩話稱其學以漢
魏詁訓爲宗鉤深索奧孫穀董悅所弗能逮云放唐李
鼎祚撰周易集解流傳至今而是書乃襲其名且並李
氏之書與王弼之注齊列而鈐版焉便流覽也竊謂李

氏之書與王弼之注孤行之本世所共知仍非罕觀茲
特甄錄先生所緝署曰孫氏周易集解庶別於李氏之
書謹付剞劂焉李氏之書所採至三十五家之多漢易
之亡賴以不墜誠可寶之祕笈先生於千餘年後復緝
是書其搜羅之備抉擇之精卽不必相輔而行已覺難
能可貴以視所撰尙書古今文義疏阮文達稱其積二
十餘年而後成者並足流傳不朽矣咸豐乙卯立秋後
二日南海伍崇曜謹跋